

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1315

原始資料: 蕭鎮國大德提供, 北美某大德提供

No. 1315

施諸餓鬼飲食及水法(并手印)

特進試鴻臚卿大興善寺三藏沙門大廣智不空奉 詔譯

先出眾生食。事須如法。周匝種種皆著並須淨好。或一分或少許或一器。皆須安淨銅器中如法。如無銅器白瓷亦得。如無瓷器可用漆器。其飲食須和清水。面向東立坐亦得作法。

夫欲施一切餓鬼飲食者。先須發廣大心普請餓鬼。先誦此偈至心一遍。然後作召請法。所獲福利果報不可校量。

比丘比丘尼(某甲)發心奉持 一器淨食

普施十方 窮盡虛空 周遍法界

微塵剎中 所有國土 一切餓鬼

先亡久遠 山川地主 乃至曠野

諸鬼神等 請來集此 我今悲愍

普施汝食 願汝各各 受我此食

轉將供養 盡虛空界 以佛及聖

一切有情 汝與有情 普皆飽滿

亦願汝身 乘此呪食 離苦解脫

生天受樂 十方淨土 隨意遊往

發菩提心 行菩提道 當來作佛

永莫退轉 前得道者 誓相度脫

又願汝等 晝夜恒常 擁護於我

滿我所願 願施此食 所生功德

普將迴施 法界有情 與諸有情

平等共有 共諸有情 同將此福

盡將迴向 真如法界 無上菩提

一切智智 願速成佛 勿招餘果

願乘此法 疾得成佛

合掌當心誦此偈。以印作召請 開喉印 以右手大指與中指。面相捻。餘三指相去。微作曲勢即是。名普集印 呪曰。

